



سککیزینجی امامین زمانی، شیعه نین خارجی مشکل لریندن علاوه داخلی مسأله لری ده اورک آچان دئییلدی. او دوره نین مشکل لرینی تانیماق بو گونکی بعضی مشکل لرین حلینه کؤمک اولما بیلر.

امام رضا (ع) زمانی شیعه نین ایچینده زیدیه، اسماعیلیه، فطحیه، واقفیه و غالیلر کیمی مختلف فرقه لر باراندی. بو فرقه لرین ایچینده شیعه غالی لری و واقفیه فرقه سی امام رضا (ع) ایله لاپ چوخ مخالفتچیلیغی ائله دی.

امام رضائین (ع) امامتینی قبول ائتمه یین فرقه

واقفیه فرقه سین 183 هجری قمری ایلینده امام موسی کاظمین (ع) شهادتیندن سونرا او حضرتی قائم و مهدی امام ساییب او حضرتده توقف ائله ماغینان امام رضائین (ع) اماملیغینی قبول ائله مه دیلر.

بو فرقه نین اؤزونه مخصوص خصوصیتلری، اونون سرعتله رایج اولماسینا سبب اولدو. بو خصوصیتلردن بیر ی بو فرقه نین رهبرلری ایدی. اونلار جماعتین ایچینده یوخاری علمی، اجتماعی و دینی موقعیتلرینه مالک ایدیلر. جماعت اونلارین آدلارینی فقیه، ثقه و مشهور کیمی صفتلرینین همراه ائلیردیلر. اونلارین بعضیسی قباقلکی اماملارین بلا واسطه نماینده لری ایدیلر.

واقفیلر اؤز عقیده لری نین ثبوتی اوچون او زمانین رسانه لریندن یعنی کتاب، مختلف کلاسلا رین تشکیلی و تحریف اولموش حدیثلرین یایماسی اینن اؤز عقیده لرینی یایماغا اقدام ائلیردیلر. اونلارین اساس هدف لری امام کاظمین حضرت مهدی اولماسینی ثابت ائله ماغیدی.

اونلار بو ایش اوچون موعود مهدی باره سینده اولان چوخلو حدیثلری اؤز نظرلرینه گؤره تفسیر و معنا ائلیردیلر.

امام رضا (ع) بو فرقه نین قباغیندا چوخ شدتلی دایانیردی. او حضرت واقفیه اینن مبارزه ده نئچه ایزاردن استفاده ائلیردیلر:

1. مکاتبه: امام رضا (ع) آتاسی امام کاظمین (ع) نماینده لری اولان علی بن ابی حمزه بطائنی و زیاد بن مروان قندی و عثمان بن عیسی رواسی به نامه یازیب اونلاردان آتاسی نین اموالینی او حضرته تحویل وئرمای ایسته دی.
2. شیعه لرین شبهه لرینه جواب وئرماق: امام رضا (ع) مناظره، دانیشتیق و مکاتبه یولو اینن شیعه لرین شبهه لرینه جواب وئیردیلر و بولونان چوخلارینی حقه قایتاردیلار.
3. حدیثلری تحریفدن تمیزله ماق: واقفیه طرفیندن تحریف اولان حدیثلرین دوزونو شیعه لره دئییب واقفیه نین یالانچی اولدوقلارینی جماعته آچیقلا دیلار.
4. واقفیلرین ماهیتینی شیعه لره تانیتمه: امام رضا (ع) مختلف موقعیتلرده واقفیلرین یالانچی و دنیا مالی دالیسیجان اولدوقلارینی شیعه لره دئیلر و اونلارین ماهیتلرینی تانیتمه دیلار.
5. واقفیه نی تحريم ائله ماق: امام رضا (ع) اؤز شیعه لرینی واقفیه اینن رابطه ده اولماق و اونلارا زکات وئرماقدان منع ائله دیلر.
6. واقفیلری نفرین و لعن ائله ماق: امام رضادان (ع) نقل اولان چوخلو حدیثلرده او حضرتین واقفیلری نفرین و لعن ائله ماغی مطرح اولوب. بو حدیثلرین زمانلاری نظرده آلینیرسا او حضرت امامت دورانی نین چوخونو اونلارینان مبارزه ده ایدیلر.

مثال اوچون امام رضائین (ع) ابوسعید مکاری نی نفرین ائله ماغی نقل اولوب. امام اونا بویوروب: « الله چیراغینی سؤندورسون و ائوپنه یوخسوللوق گتیرسین . . . سنی گؤروم قارداشسیز قالاسان! سنین منیم شیعه م دئییلسن . . . » ابوسعیدین اورگی کور ایدی سونرالار گؤزلری ده کور اولدو.

7. اؤز علمی کرامتلیرینی ارانه وئرماغینان: حضرت او علمی کرامتلیرینی بیان ائلهماغینان یولدان آرمیش شیعه‌لری دوز یولا قایتارماغا چالیشدی و جهالت اوزوندن منحرف اولانلاری حق یولونا قایتارا بیلدی.

لینک مطلب در سایت : <http://torki.tebyan-tabriz.ir/?MID=21&Type=News&id=917>